

左文襄公奏疏

第二函
十冊

左文襄公

奏疏三編

光緒庚寅歲
中冬上海圖
書集成局印

左文襄公奏疏三編總目

三編

督江

防海

共六卷光緒八年八月起

光緒十一年六月訖

卷一

奏已故知府政績卓著懇

恩宣付史館摺

奏請改獎片

增足各岸引額收繳票費銀兩數目據實陳明摺

核減典商利息酌定贖限擬發官本摺

請將續辦清丈沙洲各員酌給獎勵摺

卷二

銷假並出省閱視工程摺

奏已故督撫請

准合祠致祭摺

鄂湘另招新商發給引票緣由摺

運河糧米兌竣開行日期摺

出省勘收各水利情形摺

皖岸減引增費緣由片

新引請免其加價扣引片

卷三

請建故漕臣專祠摺

劃解膏火銀兩片

接開淮北庚辰新綱日期片

覆陳革員鹽款算清緣由片

左文襄公奏疏

三編總目

請將已故通政使事祠列入婺源縣祀典片

修理礮臺片

兩淮鹽務著有微效摺

卷四

范堤工竣核實開單摺

奏請 旌表片

奏創建書院片

淮北課釐擬請全充復淮工用緣由片

試辦分銷淮鹽並課釐津貼片

據實覆陳淮南礙難籌捐票本摺

恭報赴清江勘辦引淮入海起程日期摺

查明土客蠶種情形摺

查明上游民堰各工分別興修以工代賑摺

卷五

奏會勘引淮入海河道分別辦理摺

新引票費未能加增緣由片

奏請將新增課釐全充復淮經費餘仍照章分解片

朱家山等處河工出力各員請獎摺

卷六

奏請 准予船政局各工實支實銷摺

奏調道員黎福昌辦理糧臺片

奏帶道員劉祺祥等赴閩差遣片

奏調四川補用知縣高維寅等隨營差遣片

奏調 記名提督胡珍品等赴營差遣片

遵 旨查明據實覆陳摺

查明覆陳片

設局採米平價接濟片

奏請改獎片

奏請知州飭仍回廣東候補片

奏爲病請開去差使回籍調理摺



左文襄公奏疏三編目錄

卷一

奏已故知府政績卓著懇

恩宣付史館摺

奏請改獎片

增足各岸引額收繳票費銀兩數目據實陳明摺

核減典商利息酌定贖限擬發官本摺

請將續辦清丈沙洲各員酌給獎勵摺



左文襄公奏疏三編卷一

奏已故知府政績卓著懇 恩宣付史館摺

光緒八年七月十六日

奏爲已故知府政績卓著遺愛在民籲懇

天恩宣付史館以彰循吏而順輿情仰祈

聖鑒事竊

查已故揚州府知府何金壽由詞臣出守在任將及兩年於光緒七年七月初六日因病出缺茲據該處紳士舉人揀選知縣陳景富等以該故員積勞身隕遺愛在民臚陳一生居官行事及任內政績呈由署兩淮鹽運使徐文達署揚州府知府程儀洛先後稟詳請奏前來臣察該故守何金壽自爲京員時卽關心時事累上封奏其操履廉潔素懷耿直久在 聖明洞鑒之中及其守揚州也於吏治加意講求愛

民之誠形諸寤寐舉凡恤農艱興水利修城垣編保甲嚴緝捕均徭賦諸善政次第舉行輿論翕服其得疾因求雨步禱感受暑濕所致身歿之後妻子不免飢寒而地方蒙其利賴謳思至今不忘實一時所僅見伏讀同治二年十一月二十四日 上諭祁雋藻奏弭盜安民必資循吏請分別表彰錄用一摺嗣

後各省大吏務宜加意訪查其有政績官聲遺澤在人者著奏明宣付史館編入循吏列傳等因欽此欽遵在案該故守居官行政卓卓有古循吏風蒞事未久措施爛然齎志而終聞者感嘆既據該紳士等以遺愛在民懇誠籲請自應據實上陳合無仰懇 天恩俯准將何金壽生平政績宣付 國史館以

彰循吏而順輿情除將事實冊結咨移部科及 國史館查照辦理外謹會同漕運總督臣慶裕江蘇

巡撫臣衛榮光恭摺具陳伏乞

皇太后

皇上聖鑒訓示謹

奏

奏請改獎片

光緒八年七月十六日

再江蘇試用知府曾爾昌前由候選通判於蕩平西寧府屬回逆立解府城重圍及克復大通縣城在事出力經臣在甘肅行營彙案保奏於同治十三年七月二十八日內閣奉

上諭曾爾昌著以知州分

發省分補用并賞戴藍翎欽此惟查該員先於同治十三年四月初九日由通判加捐同知復於克復巴燕戎格暨肅清河州等處出力案內奏保以知府選用該員旋即請假離甘經肅督臣黎培敬委派營務處差遣於擒獲匪首朱振綱出力案內奏保以知府留於江蘇歸試用班補用復經奉

旨允准在案

計該員加捐同知已在同治十三年六月保奏知州藍翎之先時因該員未及隨時呈報以致西寧解圍案內仍以通判底銜保獎現在該員雖於另案續保以知府留於江蘇補用而西寧解圍案內著有微勞自未便因保獎歧誤致令向隅據該員檢呈獎札稟請核辦前來臣覆核無異相應請

旨敕部將江蘇補用知府曾爾昌前保知州藍翎原案註銷改請

賞加三品銜以示鼓勵除飭取履歷咨部查照

外謹附片陳明伏乞

聖鑒訓示謹

奏

軍機大臣奉

旨吏部議奏欽此

增足各岸引額收繳票費銀兩數目據實陳明片

光緒八年七月二十四日

再臣前奏楚皖各岸增復引額收繳票費另欸儲備提撥接准部覆淮南新加各票照現在奏銷期限能否按輪銷竣不致奪舊商之利以便新商應令該督通盤籌畫再行奏明辦理此次究竟每票收費若干各商領票若干共收費銀若干原奏並未聲敘無憑稽核等因伏查新加引票均係就向來足復原額及向有專岸之處准添新票仍令新舊一律挨輪行銷並非額外增引自無新舊之別察看現在情形實無搶跌賤售之弊商情適然塵肆如故但期引地速復銷路暢通則新舊商人同受其益而風謠亦自息矣至所收票費本年春間據商人賀全福三十四商請增復楚岸十五萬引商人伊厚堃等八商請增復皖岸四萬二千八百五十引商人厚德昌等三十六商請增復淮北十六萬三千十八引商人怡同興等二商請增平江專岸二千引臣體察商情稽考成案實係舊額應復未復之引歷任應辦未辦之事而歷前任暨官交章奏請禁川復淮規復舊額部臣議奏謂禁川復淮事屬復舊而非變法豈容以一時之利廢歷久之規又謂新商認捐每票數千兩舊商包餉每票不過千兩數之多寡既殊新商每票數千之捐尅期可集舊商每引二兩之餉本歲以需時之遲速亦判但就目前欸項計之會新謀舊不免指有失算等語臣愚以爲奏章部議昭在人耳目案卷具在此次辦法本率由舊章以裕課便民爲主凡出示行文及批發呈詞均由臣一手料理會不逾時一一猶堪復案而批發新商認捐各稟又正值出省閱伍之時舟次遞稟畢頭看批較之衙署重門洞開尤覺毫無障隔所批賀全福等五百引爲一票每票暫定票

費銀一萬兩旋據以利微求減遂批飭暫定爲五千先繳二千辦運一次察看獲利在二分以上則票費仍應加增倘獲利不及二分則票費任准酌減初次核定後始准循環轉運其餘三千兩限年內繳清以示限制公事公言官私合計與尋常官場套數不同商情之異常踴躍卽由於此而舊商見新章漸定已有妬心又因昔日每票一張可索價銀一萬數千兩者今不過數千兩卽可領獲一票舊票且無人過問又值臣整頓鹽務禁止夾帶重斤虛報淹消諸弊遂不遺餘力設法傾軋以致謠誑紛起湖南尤盛臣雖有所聞亦未便設法訊禁恐徒增擾累致傷政體皖岸定每引繳票費銀十六兩該商屢稟請減未許亦飭先繳五成餘均照賀全福章程辦理至淮北引鹽地近獲利較微每引飭繳票費銀二兩卽循環轉運數月以來據賀全福等繳庫平銀六十萬兩伊厚堃等繳庫平銀三十五萬七千一百六十兩平江專岸繳庫平銀八千兩均經臣札發江甯藩司儲庫聽候提撥惟該商等係陸續呈繳期票賀全福現尙有期票貳萬兩未經兌銀伊厚堃亦有數萬兩係七月底限尙未經兌銀臣前因票費旣未劃定而銀兩亦未到期繳清故無從明晰聲敘具奏惟德厚昌應繳庫平銀三十二萬六千三十六兩業經繳清已札發兩淮鹽運司遵照部章專咨報部存案俟將來提撥支用仍逐一詳晰報部查核外其福慶祥等請楚岸衡永寶之引見離務尙無定章心存疑慮尙未繳銀應暫置勿論又商人盛世豐等八商請認湖南辰州專岸一萬二千引商人積善祥等請認湖南永綏苗疆專岸一千七百十二引或意存壟斷或延不繳捐均

飭一併撤銷所有增足各岸引額收繳票費銀數目謹據實陳明伏乞

聖鑒飭部查照謹

奏

軍機大臣奉 旨戶部議奏欽此

奏為核減典商利息酌定贖限擬發官本摺

光緒八年十月初一日

奏為核減典商利息酌定贖限俾貧民便於周轉並擬給官本以恤商情恭摺具陳仰祈

聖鑒事竊

維典鋪之設原為取便窮民江南所屬克復雖闔十有九年而元氣尚未復常尤宜加意撫綏俾蘇民困
臣蒞任後查得江寧江蘇安徽各典取息既輕重攸殊期限亦參差不一雖因地方情形不同各經稟定
有案而章程未能畫一貧民無所適從以言實惠均霑即尚未逮也臣因酌中定議江寧江蘇安徽所屬

各典無論抵當衣飾器具凡資本一兩一律取息二分連闔二十四個月仍留餘限三個月凡二十七個
月為滿凡遇隆冬及災歉年分毋庸再議減息每年除典稅照章完納外城垣每月只准捐錢二十千文
公典每月只捐錢十二千文此外公事一概免捐所有由地方官發典生息公款無論何項放息無過一
分一切陋規槩行裁免當即一面通飭遵照一面出示曉諭在案嗣徐州典商以地方瘠苦其民間質當
每號不過數百文細者絮布粗者農具房屋雖廣不敷堆積夥友非多不敷應用且又春當秋贖一年祇
得數月之息憑陳苦況呈由江寧藩司詳請仍照舊章辦理且安徽之太和阜陽壽州泗州各典商以前
情徑來臣處具稟臣體照所陳典商為難情形本非捏鋪惟立法無取紛歧誠恐日久有所藉口馴致紛

更復思保富卽所以恤貧爲小民計則典商亦宜設籌及之允其酌發官本不取利息飭由地方官查明各典近年當本若干核數發給遇有開歇交替之際由典呈繳以重要款現已據安東一縣稟請發給怡通典本款經臣批准酌發銀二萬兩於鹽票報効款內動發不取利息其應如何分年拔還或竟以停歇之際歸還原本均不取息飭司議詳候酌續有請者當一律照准期商民兩得其平其有本係二分取息隆冬及歉歲仍願讓利者是各典商好行其德官司只宜代爲請獎不必加以誘勸更不准從而要挾以阻其樂善之心自此次定章以後如有典商陽奉陰違私自加息減期及官吏仍取陋規情事一經查出當卽分別辦理以示懲警察看現在情形尙屬相安理合恭摺陳明伏乞 皇太后 皇上聖鑒訓示謹 奏

軍機大臣奉 旨戶部知道欽此

奏請將續辦清丈沙洲各員酌給獎勵摺

光緒八年十月十一日

爲蘇省續辦清丈沙洲現已完竣並擬將在事各員照案仰懇 恩施酌給獎勵恭摺奏祈 聖

鑒事竊照江蘇各屬淤生沙洲經前督撫臣曾國藩丁日昌奏奉部議改十年一丈光緒六年屆當續丈

之期經前護撫臣譚鈞培會同前署督臣吳元炳附片奏照派委候補道朱之榛會同蘇州藩司參照上

屆成案議定章程先將蘇屬之江陰等七縣坍漲沙洲分委幹員會同印官次第逐加勘丈分別升豁催

繳價銀補收花息及量予轉則仍將控案逐一訊結所需丈費均由司庫於洲價本款動支不准稍有需索奉 旨戶部知道欽此卽經轉行欽遵在案茲據蘇州藩司各屬蘆洲田地除無坍漲之處按照上屆成案槩免重丈靖江一縣據報亦無續漲應免查辦惟有咸豐七年同治七年兩屆丈出埂划一萬三千餘畝尚未升科則歷年課銀自應酌補但係歸入漕田應行另案辦理外其餘江陰等處沙洲林立坍漲靡常漲則任意爭佔坍則延宕不報加以咸豐七年同治七年承買之案冊結迄未咨部應升者仍未起額入徵應豁者每以空糧貽累沙棍從而把持書差因之婪索控案迭出百弊叢生小民受累無窮悉心推究蓋緣按戶分造圖冊事繁費重各該廳縣未免畏難且須層層結轉尾零稍有未符卽干駁詰數數往回遂置高閣本屆查辦既分先後若待通案彙報更需時日是以議成辦定一縣先行造具簡明清冊咨部隨時升豁以期取信於民前江陰武進寶山丹陽四縣各冊詳咨奉部奏明行查業經詳細咨覆又上海南匯二縣均有新漲灘地向未查辦隱匿甚多亦經委員往勘飭令一併召買繳價川沙廳橫沙地方孤懸海外前經議定該處爲商船避風守潮之區亦爲師船燂洗放哨之地永遠不准承買卽由漁戶佃種見仍歸召佃以符原案惟令按畝主繳佃價並按年完納草息俾免覬覦而絕爭端計自光緒六年三月起督令印委各員先從江陰一縣辦起武進丹陽寶山次之丹徒常熟上海南匯川沙五縣廳又次之將新漲各處履畝勘丈催繳價銀並查明圍築成田收有花息上兩屆承買卽未升科之地分別酌

量補課一體給單執業遇有坍沒勘明開豁歷年控案亦爲訊斷閱時兩載有餘先後據報完竣細加查核統共應升科灘地三十五萬五千一百四十貳畝零特重地七千貳百八十六畝零每年共應徵應增銀一萬七百八十八兩零內先已啟徵銀三千六十七兩零坍沒地二萬四千七百七十五畝零共應豁銀一千一百四十八兩零又未定案未圍築地二萬五千八百九十四畝零應請暫緩升科共收存司庫田價佃價銀一十萬二千八百一十一兩零較之同治七年收數多至兩倍有奇固由沙民踴躍輸將亦由各印委催迫得力前項銀兩應行人撥造報至丹徒常熟上海南匯四縣簡明清冊業經分案詳咨川沙廳係承佃之案毋庸查造應由司飭取頃畝科則圖形冊結分別照例詳辦並將在事出力各員詳請具奏給獎等情前來臣等伏查清理沙洲本非易易今屆自開辦以來該司員等督飭印委各員認真經理應升者升不致匿地以逃課應豁者豁不致空糧以貽累勘丈秉公則經界斯正積案了結則訟獄亦清並將應升課價及補課銀兩體察各處情形酌中議定分別等差嚴禁員董書差人等不許需索分文卽咸豐七年同治七年未定之案亦已造冊詳辦各沙民仰沐皇仁從此咸沾樂利所有在事各員不無微勞足錄擬照前屆成案除出力稍次者由臣等酌獎外謹將尤爲出力各員繕具清單敬呈御覽合無仰懇

天恩俯准分別給獎以示鼓勵除咨明吏部查照並飭催各屬將欠解銀兩趕緊解清

仍令造具冊結圖形詳咨外謹合詞恭摺具奏伏乞

皇太后

皇上聖鑒訓示再江寧藩司所屬